



**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. XX. Cur Concilia Rhemense ann. 1564. Burdigalensia 1583. & 1624.  
Tolosanum 1590. & Narbonense 1609. nihil dicant de solemni Publicatione  
Tridentini in Galliâ universâ.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

omissum quidquam, ejus sapientia suppleretur; quod quidem & ita fecisse Concilii Turonensis Terti Patres, ex ipsius fine haud dubie colligitur.

Notandum est præterea, id quod Concilium adjicit, ad insinuandam Regi moderationem quacum Statuta Episcopalia immutare debeat. *Negue enim dñm offririmus, ignoramus, quantum Ecclesiæ Ministeris tribus, quam Religiosis sis in tractandis Ecclesiæ Decretis, quam diligenter in mentem tuam introspicias, & perconteris te ipsum;* antequam de Ministeriorum Dei Statutis aliquid exultimes immutandum.

Redeamus ad promulgationem Tridentini à Synodo Turonensi exoptatam, perinde atque à pluribus præcedentibus laudatis. De eo fit etiam sermo in Instrumento convocationis, his verbis. *Opportunitate admodum Tridentina Synodus prævio Spiritu Sancti instinctu, & ductu, labefactu propemodum Ecclesiastica Disciplina occurverat, manumque porrexerat auxiliarem; si Sacrosanctis illius Decretis, hanc retineri & fulciri, ut spes erat, licuisset. Quandoquidem vero nunc is est rerum Gallicanarum status, ut ceteris de causis nobis incognitis hoc tam praestandi Concilii remedio, nos liberè perfriu nondum permittat &c.*

## CAPUT XIX.

## CONCILII AQUENSE 1585.

**J**uxta exemplum Concilii super laudatum Synodus Aquensis testata est, se exoptare, ut Tridentinum in Regno promulgatum fuisset, atque unanimi voto statuit, Regi supplicatum iri, ut hanc publicationem permitteret &c.

**I**llud imprimis ab hac Synodo unanimi consensu decreto fuit, ut à Christianissimo Rege nostro humillimis precibus efflagitaremus, ut, pro sua singulari pietate, Tridentinum Concilium, quo labent Republicæ Christianæ accuratissime subvenitur, promulgari jubaret; interim vero dñm hujusmodi promulgationem speramus & expectamus, de Fratrum nostrorum Coepiscoporum consensu, eorumque, qui huic Synodo interfuerunt consilio; tūm quod Episcopi ipsi in sua quisque Diocesi pro sua conscientia exonerantur, omnia, quoad ejus fieri potest, ad ipsius Concilii Decretorum prescriptum dirigant, & moderentur, tām hēc quæ sequuntur, pro temporum necessitate & nostra Provincia statu . . . statuere duximus.

Verba hæc partim ex Synodis Rhomagenis & Rhenensi sumpta sunt, ut faciliè patebit ei, cui illas conferre vacabit. Quod Aquensi peculiare est, incipit ab his verbis. *Tūm quod Episcopi &c. Circā quem locum notandum est, quod ibi dicuntur, nempe Episcoporum conscientiam strīngi, ut Dioceses suas regant juxta Decreta Tridentini, restrainingendum esse ad Decrēta, quæ Rex observari finit, qualia præsumebantur esse ea, quarum Executionem Synodi præceperant, Rege nullatenus intercedente, & ea, quæ Constitutio Biebensis adoptata.*

## CAPUT XX.

**C**ur Concilia RHEMENSE an. 1564 BURG  
DIGALENSIA 1583 & 1624. TOL  
SANUM 1590. & NARBONENSE 1609.  
nihil dicant de solemnī publicatione Tridentini  
in Gallia Universa?

**C**ūm non habeamus Instrumentum convocationis neque Instrumentum publicationis, neque omnia Statuta Synodi Rhemensis an. 1564, liquido affirmare non possumus, hanc Synodum siliuisse circa publicationem Tridentini, quia illius mentio forsitan facta est in Actis, quæ interciderunt.

Quoad reliquias, credibile est, eorum silentium provenire, vel ex eo, quod ratae sint, inutiliter cari  
Tom. I.

postulatum iri; quia nulla erat ejus impetranda spes: vel ex eo, quod exigitaverunt convergis per Constitutionem Bieensem an. 1579. & Edictum Melodunense 1580. in Leges Regias, præcipuis Tridentini Decretis, illam publicationem omitti posse, maxime, cum Rex sineret Episcopos procurare in suis Dieceesis Executionem aliorum Decretorum Regulis Regni non repugnantium.

## SECTIO II.

PROPOSITIONES QUINQUE  
Discienda circa Criminationes contra Concilium  
Tridentinum factas.

## PROPOSITIO I.

An Clausula, *salva semper in omnibus Sedi Apostolice autoritate*, quæ legitur in fine Præfationis. SESS. VII. de Reform. & Clausula, *salva semper Sedi Apostolice autoritas sit, & esse intelligatur*; quæ legitur Cap. 21. SESS. XXI. de Reform. Concilium omnia Decreta suæ circa Disciplinam mero Pontificis arbitrio submisit & dimiserit.

**V**arium genus est personarum, quæ contendant, Concilium his Clausulis universa Decreta suæ circa Disciplinam, arbitrio mero Pontificis subjecisse, ita, ut hic adjicere, diminuere, immutare quidvis pro lubitu possit, atque in omnibus agere, tanquam illa Decreta non existent. Eae omnes innituntur sensui apparenti verborum, quæ Pontificiam autoritatem super illa Decreta extollere videntur; sed, quāvis illarum communis sit sermo, earum tamen momenta valde discrepant. Aliæ sic loquuntur, ut criminantur, & elevent Tridentinum; quales sunt Hæretici, qui præfatis Clausulis utuntur in memorato sensu, ut probent Concilium nihil fecisse, nisi quod Pontifici placaret: unde concludunt, illius Decreta non habere aliam autoritatem, quā Pontificis, à quo profecta sunt.

Inter ceteros, qui Clausulis eundem sensum tribuunt, alii ad assentationem loquuntur, alii ob quodlibet, plurimi ex utrâque causâ, quos inter fortan teponendi sunt Officiales Romanae Curiae, qui spes eō majoris concipiunt, quo magis autoritatem Domini sui extollunt; eorum præterea Officium honorabilius evadit: ii vero, qui ad gratiarum distributionem propositi sunt, vel ad earum expeditiones, inde occasionem amplificandæ potestatis sive arripunt. Alii denique in hanc interpretationem labuntur, ob desiderium Dispensationum, quarum indigent, vel indigere possunt, sive pro leipsis, sive pro aliis personis sibi caris.

Magni igitur interest hanc Clausulam exponere, quod pluribus modis fieri potest, 1. Cum eo conferendo alia Decreta Concilii. 2. Per verba Clausulae. 3. Per circumstantias celebrationis, aut durationis Concilii. 4. Per Textus Juris, quod antea obtinebat, atque observabatur.

Duo sunt in Concilio Decreta, quæ maximè idonea videntur ad exponendam Clausulam. Primum est in SESS. VII. de Reform. Cap. 6. Concilium decernit, ut deinceps nullæ unions fiant, nisi ex legitimis aut rationabilibus causis, coram loci Ordinario, vocatis, quorum interest, verificandis, nisi vero sic factum fuisse constiterit, ut uniones per subreptionem obtentæ præstamentur; ac præterea viribus omnino careant: adiicit tamen, nisi alter à Sede Apostolica declaratum fuerit. Porro, Clausula hæc multum accedit ad propositam, nec ab eâ nisi verbis discrepat. Verus itaque sensus Clausulae, salva sit Sedi Apostolica autoritas,

C toritas;